

Modul «Experiment»**Concept: Flurina Badel cun docent*as envid*adas****Datas: 8-3 / 15-3 / 5-4-2025**

Ilis trais dis da quest modul èn in labor da lingua che sa deditgescha al giu cun frusas, plects e silbas. Sentiments, suns e maletgs èn la basa per perscrutar il process creativ dal scriver litterar. Ilis exercizis da scriver individuals ed en gruppas scoleschan la capacitat da percepir il mund cun tut ils senns ed il transfer da la percepziun en l'expressiun litterara. Quest modul porscha utensils da scriver nizzaivels per tut ils auters moduls dal lavoratori «Scriver litterar».

La docenta envidada è l'autura Li Mollet, enconuschenta per sia prosa e lirica conceptuala, che explorescha il potenzial poetic da differents schemas narrativs.

Biografia

*Flurina Badel è autura ed artista. Suenter in'emprima scolaziun da schurnalissem ed in studi da comunicaziun e da lavur publica, ha ella absolvì il Master of Fine Arts a l'Institut Art Gender Nature da la scola auta da design e d'art a Basilea ed ha studegià a l'Institut per art litterar da l'Universitad d'art applitgà a Vienna. Ella scriva e performscha texts litterars en diversas linguas, savens er en collavuraziun cun aut*ras artist*as, sco p.ex. cun Fred Frith e Heike Liss per l'opera «Truth is A Four Letter Word» (premiera Sons d'hiver festival, 2023 Paris). L'onn 2019 è cumpari ses emprim tom da poesias «tinnitus tropic» (edition mevinapuorger, Turitg) ch'è vegnì undrà cun il Premi svizzer da litteratura 2020. Il 2024 cumpara ses emprim roman «Tschiera» (Chasa Editura Rumantscha, Cuira). Flurina Badel è tranter auter stada stipendiata da Wintertuin/CELA (2024) e da la Fondation Jan Michalski (2023). Ultra da quai ha ella gudagnà il Premi Term Bel 2022 ed il premi OpenNet da la Sentupada litterara a Soloturn 2018.*

Ella promova la litteratura (rumantscha) era sco redactura da l'emissiun «Impuls» da Radiotelevision Svizra Rumantscha ed iniziescha, sviluppescha, moderescha e curatescha divers projects litterars. Ella ha in'experiencescha da plirs onns sco docenta, p.ex. sco mentura dal Bolo Klub, sco manadra dal seminari «Multilingualism and linguistic autobiography in poetry» per The NEEM da la Banaras Hindu University e sco manadra da divers lavoratoris da scriver litterar en gimnasis per la Collecziun ch u per l'Accent Forum a Basilea. www.flurinabadel.ch